



# Schnallwiler Bubiköpf

1.

Mit Bubiköpf und kurze Röckli  
Mit Hösli usem Frankeland  
Mit Sydestrümpf und Uebersöckli  
Bringe mir Euch hütt e Schnitzelbank  
Den's Johr dur isch gar-mängs passiert  
Mer sages Euch ganz unscheniert,  
Doch alles könne mir nit sage,  
Sunscht ging me uns an Krage.

2.

E mängi möchti gern modern si  
Und hätt so gärn e Bubikopf,  
Sie goht drum au zu der Coiffeusi  
Und losst sich haue ab der Zopf.  
Doch wie die Arbet isch fertig gsi  
Do luegt sie au in Spiegel dri,  
Do seht sie erscht zu ihrem Schreck,  
Dass sie s'Geld hett g'heit in Dräck.

3.

Und au mit däne kurze Röckli  
Gitt's mängi, wo s' ich meine mit  
Sie trage au no Uebersöckli,  
Dass es e bitzi wärmer gitt.  
Doch loset, was ich Euch sage due:  
Die Beinli passe nit immer derzue,  
Damit meh kurze Röckli trage ka  
Muess me schöni Wade ha.

4.

Lueg eine nur die Sydehösli  
Wo Fräulein hän zum Tanze a,  
Am — — — — hän sie g'wöhnlich no e Mösli,  
Das kunnt vom viele Drum und Dra,  
Damit me nit lang suche sett,  
Wenn me e klei — — — —  
Do hän sie unte und obe au  
E Patentverschluss, o wie schlaui!

5.

Doch au gitts Fraue, die wie d'Männer  
Sich lieber in de Hose g'schn,  
Doch sinn sie nit so gueti Kenner,  
Wenn sie neume unterem e Bäumlü stöhn,  
Denn wenn de muesch die Sach verrichte,  
Do könnt's geh mängmohl dummi G'schichte  
Und wenn de schnell go . . . . . muesch  
Goht's in d'Hose s'Oepfelmuess.

6.

Mir höre jetze uff für hütte  
Mit dere — — — — —  
Sunscht krieger mir emend no Schnitte,  
Drum gömer jetze lieber hei,  
Mir hoffe, Ihr sin uns nit böse  
Und mache bitte kei Getös,  
Sunscht muen mer s'nächst Johr, o herrjeh  
E bitz mehr am Bändel neh!